



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

7. Dies Martii. Si vis beatus esse, cogita hoc primùm, contemnere, & contemni. S. Martinus Episcop. Dumon. de Mont.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

cit. Non totum quod dedit, non totus homo requiritur felicitati hominis. De se superest, ut sit superior rebus, ut sit latus, foelix. Proscindatur manus, amputetur pes, resecetur brachium, eruantur oculi, amputata dextera, scissa tibia, secto armo, effosso lumine, mutilo corpore poterit gaudere, retinere quietem sui, integrum virum esse. Foelix esse potes etiam sine artibus, quid opus est fortunæ opibus? cuiusvis est integrum etiam sine corporis integritate gaudere, quid ad gaudii integritatem conquiris Fortunæ quisquilias? nunquam eris vir unus, si adhæreas fortunæ: nec enim fortuna est omnibus una. Causam si quæras, accipe ex Poëta:

*Si non mutarer, tunc non Fortuna vocarer.*

## 7. DIES MARTII.

Si vis beatus esse, cogita hoc primùm, contemnere, & contemni. *S. Martinus Episcop. Dumon. de Mont.*

Nec contemptus.

**H**ic se, velut meleominatum monstrum, objicit, quod omnes velut atrox malum, & metuunt, & fugiunt, contemptus; qui tantùm Naturæ adversatur, quantum honor lenocinatur. Hujus desiderio, illius metu, quot, & quanti per omnes ætates, ubique gentium viri per flammam, per maria, per ferarum laniatus, per armatorum cuneos, per densam telorum grandinam, in mortem ipsam ruerunt? Sed quid de contemptu sentiendum inquiramus. Ab aliquo tu contemne-

remneris. Quæro ergò: meritò an immeritò? si meritò, vitio id factum est tuo, ut qui aliquid fecisti, quod factum meretur contemni; vel certè vitio id fit Naturæ, quæ reddit contemptibilem. Si tuum est vitium, perferendus est tibi ille contemptus, quia quod pateris, est ex merito; ut enim patereris, factum est tuo vitio: nec te lædit, qui te despicit, sed tu ipse qui aliquid commisisti dignum despiciatui. Quid? an velles propter aliquod facinus probari, quod nemo nisi improbus approbet? Ne igitur metuas contemni, sed esse contemptibilem. Talis nemo est nisi suâ culpâ.

II. Sed grave est, inquires, aliis esse ostentui, & despiciatui citrà culpam. Si mihi corpus imbecille, infacetus vultus, lippientes oculi, balbutiens lingua, si ingenium tenue, leve iudicium, hallucinans memoria: si illeberalis in me naturâ, ut Therisitem genuit: illud, ut est contra meum desiderium, ita est citrà meum arbitrium. Sed ut hunc contemptum fortiter contemnas, hoc tibi velim esse persuasissimum: hoc contemptu non te impeti, sed ipsam deformitatem, vel defectum; Naturæ sit, vel fortunæ. Quomodò censebis te peti, quandò, quod tuum non est, impetitur? Nec enim tuum est, quod non est in potestate tua. Nos magni nimium nos ipsos æstimamus, & cum nullius simus pretii, pretio nostri nimis abripimur. Nemo nos tangat, ulcus est, quaquâ tangimur. Et interim nos facimus ridiculos, dum facimus irridenda. Quisquis sui contemptus est contemptor, nihil ambitiosius experit, quam haberi ab omnibus caudex, stipes, fungus. Quidquid cachinnorum, ô dicaces sanniones, inquiet, est, expromite,

M

irridere,

irridete, pròtervè mihi illudite, nullius mihi jucundior lusus: omnibus me ignominiiis appetite, id unum est quod peto, & expeto, graviora me iudice sum meritis; nihil facietis suprà meritum meum. Plurimas commisi stultitias, cur iniquè feram, me stultum haberi? Isto vas dignum operculo.

III. Stabis in ipso apice fœlicitatis, si possis hoc unum discere, Contemnere & Contemni. Nullus te erit beator in mundo, si possis hæc quatuor à te impetrare. Spernere mundum; spernere nullum, spernere se, spernere se sperni. Sed age, à te quæro, quis est qui te contemnit, sapiens an stultus, probus an improbus? Non est sapiens: nec enim quod bonum est, contemni potest nisi ignorantia, vel malevolentia. At in sapientem ignorantia, in probum nunquam cadit malevolentia. Superest igitur ut improbus sit, aut insipiens, à quo te contemni deploras, Quod mavis, elige. Improbus est? Non est quod ab illo timeas & convicianti dic cum Diogene. Nec mihi credit quisquam te laudanti, nec tibi me vituperanti. Una est laus, par commendatio, æstimati à probis, ab improbis vituperari. Quod si ab insipiente sperneris, jam ipse te insipientem prodis, si te sperni credis. Noli illum dignare isto honore, ut sentias dignum patientia, quod ab indigno pateris. Quid à stulto expnctandum, quàm stultè facta? fecit ergò quod suum est. Quid te miserius si magnificas te parvi fieri? Erisne ideò parvus, quia parvis? Tantò quis Deo est vilior, quantò sibi pretiosior; tantò autem pretiosior, quantò ipse sibi vilior. Unus si te Deus contempserit, periisti funditus: unus hic si te laudaverit, beatus es, frendeat liceat, &

Januar.

Tessera.

179

Hocci pendeat universum genus hominum. Tutissimum est nihil præ se contemnere, quasi qui nulli proficit ad usum: quia ut scitè Poëta:

*Tam malè nil cufum, ac quod nullum proficit ad usum.*

## 8. DIES MARTII.

Cui ita sufficit fœlicitas sua, ut etiam alium velit esse fœlicem? *Salvianus l. de gubern.*

Nec  
invi-  
dia.

I. Invidiam pati, non est malum pati; nec enim idè es malus, quia alter tibi invidet bonum. Magna est tibi gloria, dignum esse alterius invidiâ. Nemo invidet misero, nisi fortè illi, cui minor est, quàm invidentis miseria. Hinc fœlix invidet fœliciori, imò & fœlici: quia quibusdam ipsa fœlicitatis æqualitas, seges est invidiæ. Fertur igitur Invidia in alienum bonum, ut monet prædicta tessera. Eâ causâ Bion olim hominem invidiâ vulgò notum conspicatus, tristi ac dejecto vultu. Nescio, inquit, tibine quidpiam Mali, an quid boni contigerit alicui alteri. Cùm igitur tibi senseris invideri, ne querere, ne te saucium inclamaveris: excerta æmuli tui confessione, id tibi sit in confesso; Bono te aliquo præditum, te beatum esse. Contra si neminem tibi invidere compereris, dic quod Themistocles adhuc adolescens: *Præclari nihil dnm feci, mihi quippè nondum invidetur.* Invidus illius bono contabescit quem se superiorem agnoscit, vel parem, vel à quo superari timet, vel æquari.

M 2

II, De-